

Zeitschrift: Bündner Schulblatt = Bollettino scolastico grigione = Fegl scolastic grischun

Herausgeber: Lehrpersonen Graubünden

Band: 72 (2010)

Heft: 1: Beurteilung in der Schule

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 26.07.2025

ETH-Bibliothek Zürich, E-Periodica, <https://www.e-periodica.ch>

Che chi sta uschè ün pa pel poppel intuorn (nix Popel)

Eu craj d'avair dudi üna jà, cha sch'inchün disch adüna darcheu l'istess, schi chi's discha eir cha quel tira panaglia. Eu pens, cha cun meis trentetschinch tocca pro'l's ultims chi san che chi'd es üna panaglia. Per tschelLas be cuort: La panaglia es quel s-chierp chi's dovriva plü bod per far painch. Il ris-ch es vaira grond, ch'eu tira cun quista contribuziun eir ün pa panaglia. Sperain be cha'l painch nu vegna randsch.

LINARD MARTINELLI

La CGL ha salvà, sco tschellas rumantschas eir, sia conferenza annuala in november passà. La CGL ha fat bun il program da lavur seguaintamaing:

1. *La sporta da cuors da magisters per magisters dess gnir canticada e rinforzada.* Sün www.conferenza.ch scoula chattais ils cuors. In quella direcziun van eir ils sforzs sün la pagina www.unterrichts-material.ch, na invlidond natüralmaing rm.educa.ch. Trar panaglia...
2. *La Mediaziun RG dess gnir canticada.* Il stadi actual da la Mediaziun RG es gönü preschantà e salüdà da las commembra e'l's commembra. Ils prossems pass sun instradats. Nus pensain, cha per l'Engiadina saja quista la dretta via.
3. *La CGL less collavarar plü stret cun tschellas duos conferenzas rumantschas.* Dürant ils ultims duos ons vaina provà d'intensivar la collavaraziun tanter las conferenzas rumantschas. Nus vain interess cumünaivels cur chi va per la scoula rumantscha. Insembe rappresentaina tuottüna plü co 400

persunas d'instrucziun. Quai nun es be nöglia!

- Las conferenzas rumantschas han per intant duos progets cumünaivels. Ün progetin ed ün plütest vaira progetun.
- *Scoula:* Nus ans fain pissers a regard il plan d'instrucziun 21, chi'd es in elavuraziun. Nus lesson jent gnir infuormats ed avair sgürezza cha la scoula rumantscha, tant tradiziunala, modernbilingua sco eir quella a l'ur linguistic nu saja be la nouv- o deschavla rouda vi da quist char. I nu dess esser, cha'l plan d'instrucziun vegna fat uschè ch'el es realisabel be per la scoula tudaischa in Grischun. Quist es il progetin chi pudess crescher.
 - *Politica:* Nus vain elecziuns per la regenza vers stà. Il departamaint d'educaziun sarà vacant. Las conferenzas rumantschas han invidà e plüsSas candidatAs vegnan. Nus vulain savair che chi san, pensan e crajan da savair sur da las sfidas da la scoula rumantscha. Il podi, o hearing o co cha nus varan lura nomnà,

ha lö in marcurdi/mesemna als 7 avrigl 2010 a partir da las 16h illa chasa da scoula da Chastè (Tiefencastel). Ils invids per las commembra e'l's commembra da las conferenzas stessan fingià esser rivats.

- Id es bler in traïs-cha e scha nus nu guardain dad esser pro avant o cur chi vain decis, schi vegna decis!

I'l Fögl Scolastic vaina dret ad üna pagina. Perquai ha'la nom «Pagina Rumantscha». Avant bundant ün on eschan nus gönü dumandats, scha las conferenzas pudessan contribuir ils ses artichels l'on. Eu n'ha m'impissà cha tanter noss plü co tschientottanta commembra e commembra, per discorrer da la CGL, detta garanti ün pêr cheus ingaschats (bain eir cheuas ingaschadas) cun ün'avaina jurnalistica...

O almain ünA?! Forsa vais badà cha quist nun es meis prüm artichel qua - eu tem, chi nu sarà neir l'ultim. A tschellas conferenzas nu para dad ir meglider, anzi: ils Sursilvans sun dafatta sainza presidentA. Ma quai cugnuoscha eir la CGL.

Per finir meis plondschöz amo l'appel toccant: Nu spettarai fin chi'd es da reclamar pro la LEGR, perquai chi nun es plü laint ingüna pagina rumantscha. S'annunzchai pro vossa suprastanza! Natüralmaing cha mincha suprastanza stuves far üna schelta, schi dess massa bleras annunzchias...

